



Il mas-chalch da Sent

Publicaziuns officialas. Cumpara seguond bsögn.

2003/2005

no. 35

7554 Sent, 14 lügl 2005 / rz

Sar Roland Defilla ha decis da desdir sia piazza da lavur pro'l Cumün da Sent. Sar Roland es stat impiegà pro'l Cumün passa 34 ons. Fin uossa d'eira il sectur d'impostas vairamaing ün sectur independent da l'administraziun. Nouv vain il sectur integrà cumplettamaing ill'administraziun cumünala e suottastà in avegnir a Patrizia Wieser-Ruben.

Uschè ch'id es d'occupar a partir **dal principi da november 2005** opür tenor cunvegna üna piazza pro **l'administraziun cumünala da Sent** sco

impiegà(-da) per l'administraziun cumünala – pensum 50% - 80%

Incumbenzas:

Integraziun in tuot las spartas da l'administraziun cumünala, impustüt sün seguaints sectuors:

- controlla d'abitants
- uffizi da lavur
- ressort da contabilità
- impostas
- pajas
- SVR

Nus spettain:

- scolaziun da commerzi, scha pussibel cun experienza d'administraziun
- fich bunas cugnuschentschas da la lingua rumantscha
- plaschair vi dal contact cun otras personas e culla populaziun indigena
- abiltà da lavurar independentamaing
- temp da lavur flexibel
- cugnuschentschas da lavurar cun EED

Nus spordschain:

- lavur interessanta e variada in üna pitschna gruppa cun ün cler scumpart da las incumbenzas
- paja e prestaziuns socialas confuorm l'uorden da personal chantunal.

Infuormaziuns sun da survgnir pro l'administraziun cumünala, tel. 081/861 20 65. Interessents(-tas) dessan trametter lur annunzcha in scrit, insambel culs solits allegats, fin **venderdi, 5 avuost 2005** a l'administraziun cumünala da Sent, 7554 Sent.

A Roland Defilla va ün sincer grazcha fich per la buna lavur prestada pel bön public. Nus til giavüschain buna sandà e per l'avegnir tuot il bun.

Società d'Ütil public – cumischiun „Sturnels“

Ils Sturnels sun eir quist on intensiunats da promover e da güdar da manar tras il bal da Büman.

Per l'organisaziun generala e per manar l'ustaria vain tscherchada üna società o üna gruppada interessats. Quels tals pon manar tras il bal da Büman sainz'avair da portar il ris-ch ed ils cuosts da la musica chi vegnan surtuts dals "sturnels". Annunzchas piglia jent incunter fin als 16 avuost 2005 la cumischiun Sturnels, Olga Häny, Muranza Garni, Sent.

Cumischiun Sturnels

Cult divin our in baselgia San Peder

➤ Als **7 avuost 2005** ha lö il cult divin our illa baselgia San Peder a partir da las 10.00. (rumantsch)
Amiaivelmaing invida

La pravenda

Giantar cumünaivel a San Jon

Marcurdi als 10 avuost 2005 (in cas da trid'ora als 17 avuost) giantar cumünaivel cun surpraisa vi'l Bain San Jon.

Partenza davent da la posta a las 09.15 h. (opür cu'l auto privat).

Annunzchas piglia gugent incunter fin duos dis avant dna. Erica Clalüna, tel. 081 864 07 59 (per plaschair dir, chi chi ha mezza taxa).

La pravenda

Cult divin e festa aint i'l alp Laver

Dumengia als 14 avuost 2005 a las

09.30 Partenza davent da Plaz

11.00 Cult divin, musica

11.30 Ustaria cun chaschöl, liongias, tuortas e bavrandas
(in cas da trid'ora pregia in baselgia a las 10.00)

La pravenda

Di da las raspadas "cunfins"

Dumengia als 21 avuost 2005 a las

10.30 "Cunfins"- di da las raspadas our a Martina (cult divin) e sü'l Plan Chanvèr (giantar). (In cas da trid'ora oura Strada.) Ulteriuras infuormaziuns seguan.

La pravenda

Avis da duonna dr. med. Iris Zürcher / Mitteilung von Frau Dr. med. Iris Zürcher

- La pratcha resta serrada da gövgia, ils 14 lügl 2005 fin lündeschdi ils 1. avuost 2005 causa vacanzas.

- *Die Arztpraxis bleibt von Donnerstag, 14. Juli 2005 bis Montag, 1. August 2005 wegen Ferien geschlossen.*

In cas urgjaints dà il nomer da telefon **144** cuntshaint che meidi da chasa chi ha piket.

In dringenden Fällen erfahren Sie über die Notfall-Nr. 144, die Telefonnummer des diensthabenden Arztes.

Dna. Dr. med. Iris Zürcher

Da dar a fit

in Plaz (chasa no. 42) a partir dals 1. october 2005 o tenor cunvegna ün'bitaziun da 4 1/2 stanzas. Interessents d'essan s'annunzchar p. pl. pro Madlaina e Jon Carl Rauch, tel. 081/866 37 80 opür 079/445 70 02

Madlaina e Jon Carl Rauch

Arrandschamaints a Sent d'ürant la stà e l'utuon
2005

01.07.2005	20.30	baselgia	Concert cul Quartet Thalys	Yannick Frateur, Jessica Mehling, gias; Jeannine Brechbühler viola, Brigitte Fatton, violoncello sunan musica da Franz Schubert, Anton Webern e Felix Mendelssohn Bartholdy.	frs 20.-	Uetil public
08.07.2005	20.30	baselgia	Il septet da Beethoven	La Filarmonia Winterthur: Martin Bauder ed Annette Birkenmeier, gias; Mika K. Tanner, viola; Emanuel Rütsche, violoncello, Raffael Bietenhader, contrabass, Maya Rehm, corn; Nathalie Blaser, fagot; Steve Britt, clarinetta sunan ün septet da Beethoven e l' octet da Ferdinand Thieriot.	collecta	Uetil public
12.07.2005	20.30	baselgia	Recital per violoncello cun François Barro	Musica da D. Gabrielli, J. S. Bach, A. Hegner, M. Reger, M. Rozsa	collecta	Uetil public
17.07.2005	20.30	Chasa Misoch	Concerts culs Fancy Fiddlers	Uffants fich talentats da l'Ollanda sunan suot la direenziun da Coosje Wijzenbeek. La dirigenta preschantarà il program d'ürant il concert.	collecta	Uetil public
21.07.2005	20.30	baselgia	Concert cul Duo Nova	Denitsa Kazakova, violina; Jean- Christophe Ducret, guitarra. Ouvras da Manuel de Falla, Federico Garcia Lorca ed oters.	collecta	Uetil public
24.07.2005	20.30	baselgia	Musica da J.S. Bach	Concert dals "Amis dals orgels in Engiadina": Hansjörg Stalder, orgel; Kathrin Neuburger, gia.	collecta	Uetil public
29.07.2005	20.30	Chasa Misoch	Concert da clavazin	culs participants/tas da l'academia internaziunala per clavazin a Ftan.	frs 20.-	Uetil public
03.08.2005	20.30	baselgia	Serenada cun musica romantica	Sharon Weller, mezzosopran; Heini Trachsler, flöta a travers, Christa Helfenberger, orgel sunan ouvras dal baroc e da la romantica.	collecta	Uetil public
05.08.2005	20.30	baselgia San Peder	BAZAAR-MUSIK	Asita Hamidi, arpa, chant; Björn Meyer, guitarra da bass acustica, Fredrik Gille, percussion; Mich Gerber, contrabass; Sujay Bobade, flöta Bansuri da l'India.	frs 25.- uffants frs 10.-	Uetil public
06.08.2005	d'ürant il di	sün vias e piazzas	Festival da teater sün via'05 a Sent	cun anteriurs/as absolvents/as da la "Scoula Dimitri"; participanta eir Annina Sedlacek da Sent. Ils artists preschantaran lur program d'ürant il di sün vias e piazzas in fuorma d'üna festa da cumün, differents stands pisseraran pel bainstar e la saira avarà lö il grond final culla rapreschantaziun dal teater "Il vestito della scimmia".		Martina Noggler, Peter Pattis, Curdin Sedlacek
06.08.2005	20.30	scoula	Il vestito della scimmia	Rapreschantaziun da teater cun anteriurs/as absolvents/as da la "Scoula Dimitri"	frs 18.- uffants: frs 7.-	Martina Noggler, Peter Pattis, Curdin Sedlacek
11.08.2005	20.30	Chasa Misoch	Jazz meets Classical	Tommaso Starace, saxofon-sopran, Joan Taylor, clavazin sunan ouvras da Maurice Ravel, Astor Piazzolla, Erik Satie, H. Villa-Lobos, Serge Rachmaninow, Michel Colombier, Niegel Wood.	frs 20.-	Uetil public
14.08.2005	20.30	baselgia	Ouvras our dal temp dal baroc e da la classica culla Filarmonia Grischuna	Ouvras da C. Ph. E. Bach, G. F. Händel, A. Vivaldi, F. Carulli e F. Mendelssohn. Solist: Christian Hostettler, guitarra; Direcziun musicala: Werner Ehrhardt (Concerto Köln)	frs 20.-	Uetil public
21.08.2005	20.30	Chasa Misoch	Musica per clavazin da Clara e Robert Schumann Pianist: Jozef de Beenhouwer	Per seis merits regard l'ouвра da Robert e Clara Schumann es il pianist Jozef de Beenhouwer gnü onurà l'on 1993 cul premi Robert-Schumann da la cità da Zwickau.	frs 20.-	Uetil public

26.08.2005	20.30	Chasa Misoch	Concert cul Duo Crastan	Silvia Crastan, violina; Eva Crastan, clavazin sunan ouvras da Francis Poulenc, Lili Boulanger e Cesar Franck.	collecta	Uetil public
02.09.2005	20.30	baselgia	le phénix : Celloduo	Cul titel "romantica" sunan Mathias Kleiböhmer e Christine Meyer ouvras dad Offenbach, Glière, Romberg, Schumann. Hindemith e Kummer.	collecta	Uetil public
05.09.2005	20.30	baselgia	Impressiuns musicalas da l'Europa	Il "MonteverdiChor München" suot la direzziun da Konrad von Abel preschainta ün program cun musica da C. Monteverdi, J. Brahms, E. Elgar, C. Debussy, Z. Kodaly, P. Hindemith, R. Schwarz-Schilling, H. Distler e B. Britten.	frs 20.-	Uetil public
11.09.2005	20.30	baselgia	Musica contemporanea mexicana	culs cuntschaints guitarrists mexicans Gonzalo Salazar ed Aron Govea.	frs 20.-	Uetil public
23.09.2005	20.30	baselgia	Anguels nu portan adüna alas	Üna prelecziun accumpagnada da musica e sot. Heidi Bubenhofer, oboa; Anna-Maria Vital, text; Regula Wyser, sot.	collecta	Uetil public
07.10.2005	20.30	Chasa Misoch	Di da film cun Roadmovie	Roadmovie muossa la davomezdi films svizzers per uffants e giuvenils e la saira il film documentar da Dieter Fahrer "Que sera?".	collecta	Uetil public
08.10.2005	20.30	baselgia	Musica barocca	Maurice Steger, (flöta) concertescha insembel cul Collegium da Musica Glarunais. Dirigent: Rudolf Aschmann.	frs 20.-	Uetil public
13.10.2005	20.30	baselgia	Freejazz ed orgel - duos cunfinaris	Urs Wittwer, orgel, Alexander Curtius, saxofon.	collecta	Uetil public
16.10.2005	20.30	baselgia	Concert divertaivel per gĩa e violoncello	Kathrin Neuburger, gĩa; Gyula Petendi, violoncello spordschan ün program varià cun musica pels duos instrumaints a corda.	collecta	Uetil public

Müdamaints sun pussibels. Observai ils placats e S'infuormai illa pagina actuala: www.sent-online.ch

Società d'Ütil public

Tscherchè

da fittar a partir dals 1. settember 2005 o tenor cunvegna ün local o üna garascha (important: süt!) per deponar là fin prossma prümavaira il mobiliar d'abitaziun. (081/860 09 42 (privat) / 081/864 09 86 / (affar).

Annatina Defilla

Avis – Leger giò l'ura da l'aua

Per simplifichar la lavur da leger giò l'ura da l'aua, dà il Cumün a mincha possessur da chasa la pussibilità da leger giò svesa l'ura da l'aua e d'indichar il stadi actual al büro cumünal fin il plü tard ils **10 avuost 2005**. Il Cumün as resalva il dret da far controllas da las indicaziuns.

Tagliar

Indicaziun – ura da l'aua 2005

Stadi da l'ura da l'aua: als

Chasa no. Possessur:

Quist fögl po gnir büttà aint illa chartera dal Cumün pro l'entrada da la chasa cumünala fin als **10 avuost 2005**.

La schefa d'aua e chanalisaziun